

CCLXXXII.

*Copie authentique d'une lettre du Prince d'Orange
aux États de Flandre. — Négociations avec le duc
d'Anjou. (Arch. Y.)*

1580
13 Avril. Messieurs, J'ay receu vos lres que le pensionnaire Somere present porteur m'a apportees ensemble les memoires pour dresser instruction a ceux qui seront envoyez de vre part vers Monseig^r le duc d'Anjou. J'ay suyvant lesd^{ts} memoires fait dresser un formulaire que j'ay donne aud^t de Somere pour les copier et puis vous les porter, affin suyvant icelluy que vous advisiez en dresser une bonne instruction pour les deputez que vous envoyerez vers mon susd^t Seig^r d'Anjou : ce quil me semble devoir estre fait en la plus grande diligence qu'il sera possible. Comme ayant a y envoyer, je fairai tenir preste ma despeche tellement que j'espere n'y debvoir avoir aucun retardement de ma p^t.

— 87 —

Sur ce m'estant affectueusement recommande a vos bonnes grces je suplieray Dieu vous avoir,

Messieurs, en sa s^{te} garde et protection. Escript a Middelburg ce xiii d'Avril 1580.

Vre bien bon amy a vous faire service

GUILE DE NASSAU.

A Messieurs

Mess^{rs} les quatre membres du pays
et conte de Flandres.